









新編事文類聚翰墨全書卷之四

喪禮門 文類

祭文 親族姻戚 師友 交游故舊

祭父文

祭父文 太師董齋先生文

文山

達名賢

維已卯五月朔越二十有六日孝子某自嶺被執至南安軍具香幣遣人馳告于先太師董齋先生墓下而言曰人誰不為臣而我欲盡忠不得為忠人誰不為子而我欲盡孝不得為孝天胡使我至此極耶始我起兵赴難勤王仲弟將家遁于南荒宗廟不守迂我異疆大臣之誼國亡身亡靈武師只解后歸國再相出督身荷憂責奮臂一呼聞声四克謂親拜墓以前荆棘不盧垂集一跌崎嶇妻妾子女六人為俘收拾散亡息于海隅庶幾奮厲以為後圖惡運推迂天所廢弃有母之喪尋失嫡子哭泣未乾兵臨其壘倉卒之間二女天逝剪為囚虜形影獨存仰

藥不濟竟此其轅繫顛執足過我里門望墓相從恨不九原爰
指松楸有言若誓繼今支子實典祀事有姓曰昇我身是嗣興
言及此血淚如雨嗚呼自古危亂之世忠臣義士孝子慈孫其
事之不能兩全也久矣我生不辰罹此百凶求仁得仁抑又何
怨幽明死生一理也父子祖孫一氣也冥漠有知尚哀鑒之

祭父文 胡致聖祭

余日華

嗚呼九天蒼蒼九原茫茫父兮何之欲從無方言念故歲待奉
湯藥衣不解帶食不芻豢問者在閭弔者在門崩摧殞絕血淚
如奔歲月易流甫當朔奠追慕英雄不可復見孤子餘生與死
為鄰憂心慘瘁顧影嗷々仰而號天天高莫籲伏而叩地々厚
莫訴追養不逮悲木號風天地有盡此哀無窮嗚呼痛哉

祭母文 葬

劉後村

嗚呼吾母年垂九袞髮居三紀未嘗一日遠去謂子今安在哉
桑陰屢徙并此萱庭即彼蒿里向者平旦寢門子孫問安夜深

擁爐幼稚繞膝之地今塵凝一榻矣虫吟四壁矣高堂化為聖
室斑衣化為衰經笑語化為哭泣魚軒象服化為魂車祖馬鳴
呼窮天下之悲極人世之慘有甚於此者乎六親寘壁豆言四
方弔唁之書類曰若等事母日長可以無憾矣嗟夫惟事母之
日長故喪母之痛鉅念母之腸裂哭母之淚盡而繼之以血也
城南之阡天相陰鳴日古符良將即窀穸闔門攀號蒼天罔極

又

嗚呼痛哉百年華髮千載山丘慟哭辭堂母也不留音容香齋
永訣千秋嗚呼痛哉遙瞻衡宇粗敵風雨憶昔吾母行笑坐語
全辭而去誰為同處嗚呼痛哉我遊中庭天香有堂憶昔吾母
誦書焚香今辭而去九泉江江嗚呼痛哉我登重鸞依光有闈
憶昔吾母凭闈笑樂今辭而去原野寂寞嗚呼痛哉人皆有子
此獨抱恨以終身者我幼亡父母恩甚勤孰為三迁為我擇鄰
孰為剪髮為我延賓教我誨我命我成人今我三金不能及親

嗚呼痛哉宜安之原墳土三尺載惟吾母殞墳其側有泉有池
有松有柏一別終天神安其宅嗚呼痛哉

女祭父文

惟父之存鞠育我等飲之食之長使修整迨其長成絲絲勤首
使配夫家不忘恭敬年雖既高更強步履豈意微痾頓令長逝
泣血告言涕既墮矣尚享

女祭母文

惟女子有適人之道而膝下無終身之期比方克謹乎戒敬之
訓蓋未有暇乎歸寧之儀何彼奢之不仁使我妣之遽違嗟
露之朝散信舟登之夜移念我父我弟兮既已失望使我姊我
妹兮又將何爲觸緒增感痛心摧頽奠桂酒兮三酌揮血淚兮
漣而

文

嗚呼哀哉雲容慘兮風聲悲魚失浪兮鳥無棲緜緜春

芳鶴已飛秦臺登兮鳳不歸令太山兮徒爾爲宴王母兮孰

与知眇音容兮佇軒墀閭無聲兮訓以詩痛洒淚兮血漣漪
聊一俎兮奠芳菲。嗚呼哀哉樹欲靜兮風颭。梁木壞兮
哲人萎香骨不聞兮魚軒馳職修廢兮誰与知胡可載兮紗縵
垂讀庭訓兮礼与詩掃中堂兮奠芳菲痛洒淚兮血漣漪
生而敬事兮恨不足於菽水歿而安厝兮恨未卜於立園
之子生三年誰其孕之弗離懷抱誰其与之母氏聖善何以振
之

婦祭公文

妾奉教戒歸事慶門積繫供職未容周旋云胡一疾長往九泉

婦祭姑文

惟靈夙著淑德素備母儀訓飭子婦凜凜良規曷期膺疾奄棄
庭闈悽喑頌徹婦將何依

孫祭祖文

某也早孤惟倚五福朝夕侍養以訓以撫

孫祭祖母文

嗚呼祖母之德撫我弥勤方在童稚俛仰教存今焉云逝胡報
而云嗚呼朔風起兮白晝寒苦悵悵兮對別甕捧觥訣兮送九
原涕泪飛兮可盡言

祭子文大斂後

維年月日爹爹媽之昭告于亡子某郎魂靈嗚呼汝方盛年一
疾不起大斂之後今當三朝有酒一杯素食七味果實七釘菜
蔬七碟供汝點心汝能如生前平時奉觴下筯否嗚呼哀哉嗚
呼痛哉香燭茶湯紙錢併隨世俗汝其享之

祭女文成服

楊長孺

汝為吾女四十四年祖曰誠齋父兮東山武岡孫婦葉姑賢閨
姆訓柔懿婦德靚淵生我宅相玉樹芝蘭高門大閭綠髮榮顏
相距咫尺時時乘軒來省父母怡愉團聚如何一疾曾不沈綿
吾往問汝笑談依然五日不見計音忽傳亟走視汝異其猶全

喚汝不應言眩膚寒救汝不及憶汝遺言託吾以棺酬汝金帛
親祿以帛忍淚已潛觀汝大斂永訣終天維汝之子婚姻婢媵
繫汝之意而姑從爾若公若私有田有園汝不克享汝感死邊
人生半世誰日九泉吾為汝服慟而酹焉嗚呼哀哉

母祭女文

余日華

嗚呼人皆有死汝死何疾慨念昔者使我心悄汝自幼年百病
備嘗逮及既笄身安且康汝性儉勤能自刻苦奮衽衾幃悉從
簡素意汝惜福天必與齡云何一疾遽弃母兄出適于留甫八
閱月天禍太甚一旦永訣舟旆蕭蕭原草離離吉日癸卯殯于
梁溪嗟乎胡然而生胡知而死生不可復死長已矣連棺三匝
母子恩情老懷易感淚雨如傾卮酒告哀袍恨莫訴汝如有知
鑒此情素

祭妻文

陸氏

劉屏山

維年月日夫具位劉某謹遣親隨某人齎俸錢百千往靈葬寺

請僧十人就三陸氏孺人檮前修佛事七日仍設齋食致祭于
靈燈嗚呼死生有命雖定數之難逃夫婦之私曷衷情之可已
念汝初朝見而余丁家艱枕塊未幾投戈遽變漂零航海寂寞
逃山周旋戎七八年憂苦蓋千萬狀分甘雇粉人或雍之口絕
怨嗟汝為賢也頃因隨牒弗獲同車豈期分手之言遽作終天
之別朝猶在褥暮已蓋棺墮璧月於中天鎖瓊臺於長夜川塗
阻絕雖疾病而弗知音訃流傳悵死生之已隔隻身海用一慟
神銷念契闊之幾時想音容之如在昔歸不早今恨莫追雍招
子母之魂但瀝肝腸之血且懷痛矣悼往愆哉越徒御之赴哀
值簡書之可畏渠二莫復負之何言託身於余死而不見恐祿
若此拊心亡聊寓斯文以寫悲莫幽靈之不昧尚享

又大飲

楊長孺

嗚呼痛念吾妻作配於我三十七載德之柔淑性之慈順事姑
舅孝待妯娌和撫子孫恩待奴婢寬治家事則女中之師蓋真

內助八座之孫乃能甘貧菲食惡衣有如寡人相從仕宦與我
同志平生清念不驕不侈無怨無惡宜享上壽一病十年屢危
幸安逮于今春痼疾大作醫師巫史皆莫能救沈綿幾月竟至
大故年未六十舍我而逝遺骨肉語云將長終言迄而瞑無但
化容嗚呼哀哉三日不生永別千秋若身榮榮誰為辛苦三子
失母二婦失姑天胡不仁乃至此極今辰大斂吾妻知否不敢
不言

又 成服

前人

嗚呼宜人云亡今再浹日喪服有制消選良辰爲妻齊衰杖期
二子爲母齊衰三年追慕之哀寓此衰麻衰麻在身追慕在心
因身而心因心而靈慟哭傷悲豈有終窮言念及茲痛哉苦哉
敢告于靈惟靈格思

又

嗚呼靈耶結髮之愛偕老百年君獨何辜半途而逝八年陳迹

一夢依然追尋往事誰復忍言嗚呼哀哉吾母初亡唯君實歸
吾母未葬君憂且悲今從吾母双旌飛二人間萬事豈德可知
嗚呼君生名家來嫁於我奉我宗廟四時蘋藻事我諸兄恭執
婦道賢哉婦人固宜壽考未及三年天抑何早嗚呼哀哉我昔
爲儒艱難備嘗君獨從我破衣弊裳善嘗比之伯鸞孟光君今
逝矣我心愛傷嗚呼哀哉我昔爲儒耽書玩文君獨從我坐至
夜分吾嘗比之相如文君二今逝矣我心慙嗚呼哀哉歲在
戊子我遊溫陵君抱幼子獨以歸寧我遭寇盜君憂自驚我車
旣還君喜而迎今不見君何以爲情嗚呼哀哉歲在癸丑我如
臨安再趨蘭臺徑歸汗顏君書之來令我無還勉我立志遂取
一官今不見君使我辛酸嗚呼哀哉我還自西光動閭里君聞
我還一笑一喜烹羊待賓過門失履嗚呼哀哉我遊中府群婢
恹恹我入宣房嬰孩夜啼九泉何許君去不歸嬰孩二尺予將
疇依嗚呼宜安之原衰草松栢舅姑之墳在於其側救綠茅屋

以奉窀穸行將卜地以爲君宅祖奠于庭神其飲食

妻祭夫文

百年夫妻人之常也君何逝而去百年之說何其妄耶女羅附長松將以托長松長松且枯朽女羅孰附哉朱絃係佳妻將以和聲音佳琴亦破毀朱絃孰繫哉本謂如明明月明明月且已缺本謂如明鑑明鑑且已裂泉可竭兮哀泪不乾石可磨兮哀情不滅君有幼子何忍逝而死君有室女何忍逝而去君宜有靈使子有成君宜福禳使女有歸嗟君之貴言龜散魂飛嗟君之故衣双淚交輝生者哀兮悲又悲死者悠兮知不知墳旣擲兮葬有期辰旣吉兮堂將辟躡踊哀慟兮徒心悲叩頭流血兮空淚垂有食盈簋有酒盈卮去如之何訣別此時尚享

祭伯父文

松壽

立雪

昔我皇祖於嗣最艱雙璧未瑞玉求他山公來自東皇祔有子並美成三而祖遽死大弟六歲小弟四齡八妹九妹公手養成

師訓姆教妹嫁弟婚征衫白馬辛苦戶門諸姑伯叔平地而波
公屹鐵壁隻手伏魔歲二年二黃花丕酒弟後兄前綵衣母壽
孰不知公無負我祖孰不知公我祖無負仰事俯育公青兩全
公雖兩全無報則天大和分張甲午乙未蟻戶蜂房尔兄我弟
嗚呼百年四出天報亦豐獨惜公後不與公同一兒菴二足不
能步二孫歷年未歷世務擇墳之眼在昔固高金屏綉褥王孫
亦豪公八十歲婿衫未青二衫歸拜縞素在庭嗚呼昔種嘉橘
今皆成松墓門有梅鴉也幸止公有田阜公有宇堂宛其死矣
孰主孰張綢繆風雨吾力亦多訊予不顛顛倒奈何一觴潔奠
公必監臨公不監臨是孤我心

祭叔父文朝請

熊子復

昔我先君與十叔父未冠而孤家四壁立高平夫人黑髮滿櫛
攜持東歸一錢之奉必自己出先君與叔父躬苦服勞晝耕夜
讀陋巷簞食人不堪憂噉菽飲水歡盡其孝辛勤十年用立門

尸高堂致養祿則逮親錫爵九卿燕及皇祖子孫秩秩遂爲大
家兄弟白首奉酒相對天豈不懷昔因今遂百韻之詩以爲爲
戒時我諸子實預聞之紹聖無祿先君即世我與二三孤悼心
失圖引領瞻望曰惟祖惟父其誰恤予躬叔父千里啓書泣數
行下車不及載匍匐來歸俾我先君獲從先大夫以安于九原
非叔父之力其誰克尸之我是用銘膺錢腸不敢失墜冀或未
死其猶報厚恩嗚呼孰謂叔父弃我而先逝乎昔叔父之既告
老也我猶庶幾曰終更承歸以歲爲期包羔酌酒鞠踞卷韞起
前致詞上千萬壽我見叔父先君存焉天不悔禍家難重仍仲
姑季母如葉墮霜惟獨叔父今也則立生不承顏病不嘗藥拊
糊誰勸鬻纊誰託惟恩負義生慚死忤嗚呼哀哉福清之慈足
以撫後嗣太廟之孝足以紹先烈惟我叔父其何憾爲惟是乎
生不耀有德孝悌忠信實秉金石人或弗識昧莫竟知是惟子
弟之責我不得而敢辭願與諸先仲叔季弟收拾懿美緝比行

事將考遠日附之窳窳以無叔父之歸則欲報罔極雖不萬一而下見先君無愧於異時也長河洋々莫不親酌匪酒則多續以涕淚嗚呼哀哉卷首音着囊也

又

黃泰之

惟靈慄慄正直得於天資莊靜夷雅魚出流輩種孝績文優游乎聖賢之域砥節躬行周旋乎規矩之內奉親長者孝友之風飭子弟有義方之誨繫厥德之純備宜享齡之未艾胡六旬之甫及乃一疾而遽蛻莫能託造化之小兒始將任勞逸於大塊某等恰慙骨肉纏繞情爰茶醪酒盞日聚時會感佳節之過眼悵首容之何在慘黃花而無色對西風而一酌嗟物是以人非竟覓肝裂而腸碎飲此恨於終天想英靈之不昧嗚呼尚享

祭兄文

王九萬

以道自娛與人無忤不取必於榮利亦何心於喜怒兩庵之間三十餘年自謂清虛餘齡可延夫何徵疾醫不及登瘞生死旦暮

使人駭愕弟兄五入兄實君長歲晚相依何遽先往嗚呼哀哉
上有百歲之親而遽違其甘旨下有半醉之孫而未及其長成
度兄於此既不能瞑九泉之目而弟之於兄曾不及侍湯劑問
安不以其飲恨而吞声也耶薄言卮酒聊寫哀悃靈其不昧鑒
此悲悰

又

宋壺山父

嗚呼痛哉人皆有兄弟而吾家兄弟異於他人自古皆有死而
吾兄之死實爲痛心吾兄之生稟受素弱迨十二三始謝醫藥
性靜而專孝始啓鑰遇事沉冥外若踈略至所當爲曾無退却
某之與兄相較四歲家孽追隨跬步不離義益半篋療飢築粉
螢雪一窻牽寒布被篋中之史取同苦味嗚呼痛哉丙辰失怙
亂飄零使非吾母烏能至今吾母孀居教子汲之軫親擇鄰
參母斷織六子一心恪共子職癸未閔凶頓異疇昔燻本同煙
已而各食居本同門已而各室某之營隸隨分補葺兄時往闔

麻蒼寧日兩坐篝灯相與歎息話及卜居頗憂事力迨兄室成規模奕々屋地寬閑花窠雜殖鷗盟雁行曾無疏戚消閑琴樽詠物篇什義理切磋師友之益或者好竒過自矯激大言雄誇盛氣揮斥兄雖忘言了然曾聽嗚呼痛哉兄昔之存間日不見若有所失兄今逝矣幽々泉扉入不復出嗚呼痛哉聲音條小兒髮亂初謹切毀齒也

又 菴父

澗谷

嗚呼昔見屬纊弟適遠遊欲有言而不得今兄卜葬弟方輿感欲有言而不能非惟不能亦不忍言所不忍言再從弟兄往時節序會弁如星何丙午之夏庚戌之春不匝四年而喪五人惟柳池之禍酷蓋不憖遺一老而相繼乎沈淪嗚呼我兄人稱其藝而弗知其為道中之藝入美其才而弗知其為德中之才人之弗知固於兄不見其損何天亦弗知而卒使之彩燿而光埋我哭我兄心折肝摧誰共讀書之燈誰衛樂聖之盃誰能發

一言而願為之解誰能祛一惑而心為之開有疾者梓有殘者
梅惜也已矣嗚呼哀哉

祭弟文 深甫

王介甫

嗟嗟深甫真棄我而先乎孰謂深甫之壯以死而吾可以長年
乎雖吾昔日執子之手歸言子之所為實受命于吾母曰如此
人乃與為友吾母知子過於子初終年成德多吾不如嗚呼天
乎既喪吾母又奪吾友雖不即死吾何能久附肯一鬪心摧志
朽泣涕為文以薦食酒嗟三深甫子尚知否

祭姪文 伯初

澗谷

嗚呼以吾兄之厚德而喪其寡嗣邪吾兄之逝曾未三年而子
亦繼之以死邪吾兄之壽幾八袞而子乃不滿五十邪抑人孰
不死而子乃不得死於牖下邪嗚呼哀哉吾兄雖亡而子之心
足以周物其才足以任事其委曲頌栗足以與世周旋則吾家
所賴以屹然卓立者子也而遽死邪嗚呼哀哉子雖當賞延而

不肯安於賞延雖取科第而不能遂其科第其未酬之志氣未
了之功名徒爲識與不識者咨嗟出涕而已豈吾溪園初之言
命雖不規規於公而其數之天者竟不可避嗚呼哀哉人之
識見方其少也不能以不異及其涉歷也不能以不同丙午丁
未以來吾兄官于蜀吾以次當家事多直致不虞嗚之二爲海
也如是七年而吾兄歸又十年而吾兄亡子當其難莫端如若
裘焉而不屬乎頌日焉而不隨乎綱然後旣然向我曰乃知嗚
嗚者始之悔而終之吉也吾於是期子以進步而子已忽殞其
身矣嗚呼哀哉子之身雖殞而子之事未竟也以言乎爲子則
子之事未竟也以言乎爲父則父之事未竟也嗚呼孤兒年已
十八獨此一事差足自慰而善惡之我及莫要乎孤兒之自憂
何如也憶昨歲除別吾而東吾以衰告謂非昔同且一年而三
跌尤并喜益之所宜豪懼吾生之有進不見子臣識之西東子
忽隄然而閣淚吾亦爲之歎三而仲三孰知此之爲水訣郭曾

不十旬遺言哀恫嗚呼壬戌仲夏日二十九夜衰服而哭吾
兄乙丑仲夏日二十九夜衰服而哭吾兄之子浮山如此酷禍
死此叫呼蒼天曷其有已

祭弟婦文 李氏

立雪

嗚呼憶昔我母育我弟兄婦寧于母母女話情母告女言我養
汝苦汝今養兒猶我養汝我後百年汝兒當大汝後百年誰憶
我在我子我孫汝孫汝子世世婚姻猶我不死母告我父我父
惻然約婚吾舅婿乃再睽汝婦吾家孝順第一和氣滿堂生意
滿室大嫂主饋小嫂主茶兄弟力孝翁姑力家汝生汝兒吾婦
乳抱我生諸兒汝亦我報兒佳婦佳人盡翁賀翁死母喪大事
汝佐汝兒已婚汝女已嫁汝室汝居汝構汝架壬申之臘舍我
而東室迹入迹猶居之同意沙百年相我仲弟白頭團祭晚福
如意家人往來謂汝多病我在我家瘡亦滿脛弟步康健訪我
則頻我往訪弟不月則旬我步滿蹒音槃跛行也訪必留飯汝杯汝

盤有敬無慢嗚呼昔汝同居汝病猶少今汝各居病骨纏綿昔
汝同居病尚吾察今汝各居死不復作汝夫誰相汝家孰持孰
教汝婦孰汝兒一兒呶啞於雅誰果誰栗青燈洞房空照影
隻嗚呼人生百年骨肉能幾吾弟兩人其一已矣獨有吾弟獨
有吾妻與汝處久汝復我違汝死無憾了女子男汝葬已卜于
股之南嗚呼人生百年死看結果如汝如今死豈不可嗚呼人
生于世有愛有惜如汝之死皆憤汝生嗚呼吾老且病季子未
婚汝爰骨肉俾婿李門汝言方行汝目已暝金諾雖存玉帛誰
聘我苟未死汝姪必歸他時成婚愈重我悲嗚呼有言吳吟有
哀莫窮一杯醕奠聊寫我衷

祭姑文 劉氏葬

劉省軒

嗚呼哀哉吾家敬世禮義書詩姑之生也綽二乎房帷之秀循
循乎閨闈之儀性溫乎其敦厚心坦乎其平夷繁有能之前裔
隆世德之本支姑之歸也相理家事一以勤儉而寬慈中年得

子自幼至長率心之而扶持嗚呼親孰不欲其子之賢我姑乃
能篤三子之教而子之承歟志也榮親則不徒以早後利弟爲
慰立身行己有志乎先哲之歸奉親則不徒以食旨肥甘爲養
愛心形於辭色必柔婉而融怡孰不欲其婦之順我姑乃能只
一家之遜而婦之承歟事也則晨昏寒燠和聲下氣昵二如兒
女之相依喪亂之後孰無流離與子乃退耕綿上語子以續書
著言惠淑後進而各有踵門者必升堂講拜瞻皓首而免眉子
願親壽孰無遠期姑雖壽不滿百而年垂七十亦人生之所希
夫復奚憾爲嗚呼哀哉人皆謂我姑之無憾抑孰知我之傷悲
粵自丁丑驚變用疋管僕指默請我之伯叔諸姑存者其誰乃
惟我姑及我季父歸然二老尚賴天之勅遺其往往痛哭流涕
以重吾先君之追慕且以數吾門戶之衰微嗚呼哀哉吾生親
之於姑年少三歲常語其曰汝之姑待我真愛我厚我十數年
不得一見深懼歲月之易移頃歲聞其欲挈家就館遂剪鬻其

決然今既來居也方倚姑明爲重胡乃奔三而莫追嗚呼哀哉
季秋初度五捧壽卮常見其筋力康健耳目精明私竊喜其未
衰入而問候則必見其絲麻織緝子孫笑語而嗚呼今也壽筵
變爲聖室編衣變爲衰絰笑語亦爲漣涕嗚呼哀哉未幾前
初不聞病革忽一日夜文扣門告訖使其投牀立起驚怪失聲
而後哭泣隨之何天奪之速而薤露之易晞嗚呼哀哉見五星
之歷落而昇鄉之鬪樓每屆耳以提誨善自立其庶幾公當警
發刻厲佩斯言而葬遺且今予之愛我謂心事其我知許從遊
於盤谷指歲晏以相期靈其有知而克相必無異於生時謹酌
卮酒灑寫哀絰言不能文涕泗交揮嗚呼哀哉嗚呼哀哉尚享

祭文

前人

我本生家同姓維七十六年歸然者一懿德難備成德難全
眉壽難及考終難能追惟平生一一慙慙婦道母道可付彤霞
時之萬亂而獨團栞時方愁感是而總覽開平生康強無一日疾

亦來和曾不數日仍復眠食仍復不艱仍復大語豪然云已
昔人深悲爲姊煮藥煎井及進我淚并落姊今已矣弟亦龍鍾
臨風一慟豈此哀恫

又

熊竹谷

嗚呼痛哉人孰無親何其孤且艱邪人孰無家何其羈且阨邪
人孰無憂何其殺復祥邪祥音祥人孰無疾何其棘復痊邪人
孰無子何其風沙博邪人孰無妾何其鴟梟奸邪人孰無死何
其抱沈寃邪人孰無寃是必往呼天邪天道幽遠人道近可言
邪以人占天何近何遠特一息之間邪嗚呼痛哉

姊祭弟文

陳亮

嗚呼吾弟棄我而去曾莫我告今又葬矣迫期而報欲辨一飯
形影相弔有東無西從此號叫強孝力行汝才旣邵爰敬且發
汝心皎二汝不自欺人亦汝保何生之佳而奪之早汝今日死
有妻尚少汝往安乎子庶克紹覆載無窮幽明之間人壽百年

不能俱到闔闔變化其端固妙兄弟一体隔世與肯汝其順聽
安此宅兆不在其身惟其感乃吾夫視汝形影相照臨死不及
肯此顛倒三日七驛空焉悔懊樽酒薄禮為我一醴

妹祭姊文

嗟二吾姊而至斯邪淑德懿範婦則無儀而此怪邪好問周
天倫之愛深訓無諸甥猶子之情篤去看一別夢道再會近此
獲疾居然長辭生不得視疾於其旁歿不得與發於其側甫經
八旬乃獲一慟願瞻影像竟空香隔魂而有知能不助其悲邪
嗚呼哀哉

姻制

祭親家文 朱時發

陳子翁

嗚呼昔會靜海于今六年君獲妾歸我以竄迂迢隔三江懼无
還期天子仁聖復令我婦離合之時未得君計卑躬北來猶冀
復晤白沙之傳初信且疑今知果矣孰如我悲君老苦寧趣一
而專富而能貧以無謂言寂默能仁為方外師志者於仁孰得

而此仁則宜壽胡不期蒼天所促延人奚可考君於世味澹乎
其歸苦樂壽夭存歿豈移淮江阻脩奠不以時情發於辭君其
監之嗚呼尚饗

又 李帥筵

熊子功

惟公受天間氣爲世偉人風采凝重操履真純麴貴猶賤居富
若貧家孝源流醇乎又醇和氣可掬甚於陽春矧從筮仕流查
振二彩捧宣威發摘如神贊書泉司歲衍方縉種花兩縣人皆
服馴何以美之翁歸信臣屬者便江鼯鼠爲鄰民命安否係公
一身他人處此能無後巡惟公視民與已惟均且擒且戮且撫
且循立使頑俗居然再淳帝曰汝嘉式副選掄持班峻秩恩異
等倫泛蓮上慕寵命方新玉樓召記天胡不仁人生須臾直如
屈信如其者瑣三之姻自公來歸欲尾賀賓公亦有言日望
相親志願徒切卒莫之伸及此未已祇益悲辛拊棺一慟龜鑿
無因緘辭往奠蔬醕薄陳

祭親家母文

惟靈之生婦德著兮柔淑且慧亡怨惡兮賢哉主饋大克助兮
敬長恤孤宗姻善兮既肥其家幹而裕兮振二繩二繁而熙兮
宜者而文何朝露兮彼蒼者天莫之籲兮胡其不仁奪之遽兮
如晝而夜抑定數兮伊令仲子予女女兮粵予外孫而許娶兮
再世婚姻嗟莫顧兮追懷感傷曷云喻兮載以清醕殺饌具兮
伊礼之薄盡其懷兮嗚呼靈兮莫予吐兮

祭妻父文

嗚呼泰山其頽哲人其萎義雖半子情實傷悲嗟今之人俯首
狗世涵腴弃瘠乃其常態惟公操尚激烈慷慨擺脫塵俗傲視
天際嗟今之人動生機械翻覆雲雨駑驥混味惟公識鑒篤於
交契曰長吾敬曰善吾拜余當少年知音者希公獨藻鑑曰真
男兒遂妻以女歸奉慈幃荷公之愛恩與山齊柰何微恙遽即
長逝嗟乎十二芳腸斷滴二兮血涕酌以卮酒千秋乃世

祭妻母文

嗚呼鵲巢之風久矣其亡有德斯潛亦耀于鄉宜其家人退食
廟堂壽考而終令聞不忘其忝半子情實悲傷嗟乎紅壁香芳
路茫二白雲去兮之何鄉涕交流兮雨霽一有肴在俎有酒在
觴靈甘醴金之尚享

祭女婿文

予非水清賴汝為玉潤予以子妻荷爾敬如賓 乘龍之逸未
滿鳴鳳之占已虛

祭外祖母文

立雪

嗚呼今人立家惟艱吾觀吾舅白手乃間挑灯教子夜雨膏蘭
酌酒宴賓春風非盤豈不其富然亦夫人克相之難也三鳳一
麟左右後先鬢未及雪其孫已玄意或借老而百斯年吾舅先
謝夫人獨存堂二戶門翼二白園无忝厥後有加子前秋露滿
空秋月正兮當此之時父老童兒一杯千歲于以壽夫人之壽

於無窮寶釵猶存玉鏡如故云胡此身溘先朝露盪死盪病不
及問死不及知易簣不送而送歸輒光陰幾何窻窻已屆山川
悠遠靈且行邁循題而哭望冢而哀嗚呼夫人一往不來豈无
瘠牲亦有清醕竟方有知監我青芻

祭舅文

李公澤

黃魯直

盛德之士神人所依珠玉在淵国有光輝時方才難公墮于道
彼天悠遠莫我控告士喪畏友朝失宝臣我哭之慟不惟懿親
公處負賤如處休顯温二不試任重道遠內行純明不缺不耻
臨民孝慈來歌去思其在朝廷如圭如璧忠以謀國不沽予直
熙寧元祐言有剛柔公心如一成以好謀十年江湖睥然生色
十年王計鬚髮及白他日謂我何喪何得我知公心謀道憂國
出牧南陽往抚益部稱責辦嚴笑語節路天下期公來相本朝
奄成大夜終不復朝嗚呼衰哉我少不天殆欲理替長我教我
實維勇氏四海之內朋友比肩舅甥相知卒無間然今天喪我

舅氏傾覆誰明我心以血繼哭平生經過爲我牽觴沃酒棺前
割我肺腸嗚呼哀哉

祭外姑文

張欽夫

惟靈生於相家來媚德門奉饋采藻克維晨昏好賓之敬婦道
則宜逮夫晚歲有光母儀允矣三德協于彤史胡不百年永庇
孫子憶在彙兆獲拜于堂底幾一周有淚淋浪我悲終天糜怙
靡恃起尋清陽痛復抵此傷哉道遠一壟莫前薄禮將誠靈其
鑒焉

祭甥文

陳了翁

吾與乃翁俱爲甯人我來萬里與鬼爲鄰瘴毒之鄉朝不保夕
謂必與汝平生永隔吾衰既久汝方妙年孰謂汝也而弃我先
唯吾一家世接姻眷汝母及汝吾妹吾倩我取熊掌天實使之
廼翁南流亦豈人爲仲取高第既得而奪汝性孝友知汝汝二
左右就養不營其私隨泊湖外五年于茲不得汝書今兩歲矣

形阻心親不隔萬里信自北來吾心茫然云向不淑乃以詩傳
我初論事即捐其生杜門待尺符到奉行家如風柯任其浮沈
勢不能保豈無愛心死者歸也汝既歸矣吾雖未歸俟命而已
汝生不幸汝死不亡千載之後聞者歎傷嗚呼哀哉苦紅反

祭姑夫文 李異文十

陳了翁

嗚呼昔我先君愛鍾令女擇所宜從以歸于子子昔悼亡我方
居愛痛在手足涕不可收李妹繼適今能幾時子既殞矣孰知
我悲我非明哲觸禍固宜子亦放廢一片不歸窮達死生所遭
各異海波則殊水一而已數極而化亦又奚傷君子之道死也不忘

祭妹夫文 祝天惠

趙承之

昔我叔父少失其配孀然二女誰恤誰恃先君鞠之蓋猶出已
伯長且賢以配君子維時君子好孝發憤方少而剛在窮不恤
累幸于鄉而輒不偶布衣儒冠以至白首後生紛二或登而先
昔也納履公而自賢先生幡然志節亦厲奔走四方以奉于死

嗚呼哀哉。兄弟幼孤，自愚先生教之，讀以詩書，獲游蕩紳。則維公賜我圖報之，而乃如此。嗚呼哀哉！想公平生，卒白乎虛。憶公疇昔，慷慨將鬚，涕泣陳觴，叙訣梓里，猶有諸孤，敢不終始。嗚呼哀哉。

祭外舅文 樊寺子

葛謙三

嗚呼宣和山陽公始，女女不余庸。隨甥館見，必泐旬別。公侍親臨安，有燁其旃。公來自是，欲視其息，不憚羈旅。公官蓬池，我府繫諸公為勸，迎倒旋延。好開展杯盤，侑以歌舞。龍集申辰，注官銓部，十口累公。遂閱寒暑，出乘公車，入蔭公宇。寧勤館人喜，侍揮壘，虜動維揚。歲在丙午，變起倉卒。公渡江浦，倚寄吾邦。始獲按堵草茅，茅茨連牆。接武履艱，踐危更相勞苦。忽起越吟，莫蓄久聚。申寅外姑玉樹埋土，我攜弱妻一慟。生所辱公淹留，曲加俯仰。前年菰城，羣顏用覲。勤公放船來訪，冰壑時病耳聰。中響翔羽，意謂仁人何忘。弗愈濛濛，我行咽不得語。莆陽之官冒涉。

脩阻歸未黔大丹旒燹峯嗚呼哀哉惟公早齡天授才諳音上
入空行寺出貢藩府所臨有聞德洋恩普矧惟平生陰德莫
數天災告飢輒發我庾爲梁千丈不靳囊褚謂當大耋衮旼是
補如何弗淑遽沈幽戶嗚呼哀哉我婿高明歲二十五音忽
來痛貫心膂道里艱神棺莫撫遣介伸哀嗚呼哀哉如兩有酒在
觴有肴在俎歆此微誠公其勿吐幽香句反

即友

交游故舊

祭延平李先生文

朱元晦

道喪千載兩程勃吳有的其緒龜山是承龜山之南道則與俱
有竟其徒望門以趨惟時豫章傳符其宇一松半一瓢凜然高風
猗欬先生早自得師身出兩忘唯道是寄精義造約窮深極微
凍解冰釋發於天機乾端坤倪鬼秘神彰風雲之變日月之光
愛暨山川草木昆虫人倫之正王道之立一以相具之其外无餘
縵折毫差其分則殊体用混圓隱顯昭融万彙並峙淨雲太空

仁孝友悌灌落誠明清通和樂裝也大成發性立林世異我知
優哉游哉卒歲以嬉迨其季年德盛道尊有衣摠衣發其蔽皆
疾伯聞風靡簪以迎大木大經是度是藉云初講議有端
疾疴乘之醫窮技痺嗚呼先生而止於斯命之不融誰實尸之
谷散盈伸消息盈虛廓然大公顯化爲徒古今一息曷計短長
物我一身孰爲窮通嗟惟聖季未絕如綫先生得之既厚以全
進未獲施退未及傳殉身以歿孰云非天某也小生牛角趨拜
恭惟先君實共源冰壺二侃二斂社推先冰壺秋月謂公則然
施及後人敢渝斯志後游十年誘掖諄至春山朝榮秋堂夜空
即爭即理无幽不窮相期日深見劬弥切蹇步方休鞭繩已掣
安寧暑行過我衡門返旆相遭涼秋已分某於此時適有命召
問所宜言反覆教詔最後有言吾子勉之凡茲衆理子所自知
奉以周旋幸不失墜歸裝朝嚴計音夕至失声長號淚落懸泉
何意斯言而訣終天病不卒扶歿不飯含奔赴後人死有餘憾

儀刑永隔卒業無期墜緒茫茫孰知我悲伏哭柩前奉奠以贄
不亡者存鑒此誠意

送延平李先生葬祭文

朱元晦

山頽梁壞歲月不留即遠有期親賓畢會柳車旣飾薤露懷悲
生榮死哀孰不推慕其等久依教育義重恩深孝未傳心言徒
在耳載瞻纒紼切痛傷築室三年莫酌夙志宰觴一慟永訣
終天嗚呼哀哉

祭師江丞相古心先生文

須溪

嗚呼自詔勤王予心獨苦平生師友歲晚伊阻人之訛言訛言
不祥歟或告我王番陽湯居然傳聞百不一實何獨於公如見
隕越書思難平夜夢翠鷺猶聞靈光乃卒莫穆蒼蒼天蒼天夫子
何罪死何倉猝誰斂誰秘體膏如何如何血裾我欲見公淚洗
模糊公非無子有子有弟其存其亡訊莫予寄疇昔之言歷歷
托孤門生滿眼責獨在予念公守吉亨甫十歲焉知其後十五

年事上書窮途祭酒諸生欣然起我文特峻清公闈來朝或獻
宿士公迎謂曰此必刘子相期第一策及其謀是除季步摸索
暗投太季半年受知再向公歸同野望始往見攜提反復于建
子闕我知處女公我父兄公寧少余曰我畏友每書集之君母
予母脩門出走風雨對床執手奈何別淚浪三折將弃官終老
黃石豈謂簡書聊示今又江文辭召實匪前期暨還初服未後
衮歸位置銜觴亦豈公意遭置醜罰公撰銘誌八年出處於誌
有之斯文大老寧爲尔私外人不知公以我累公曰不然我實
子愧哀哉已矣明不負幽七年又見無約不酌昨秋三宿言饒
江畔怪公異遇後約春半風塵渺迷共擬迎公孰知昔別三至
愈凶玉色金声光風零月我二千仞柱折維絕我有死母公實
葬之我有稚子公實養之身後之盟可質心地掛劍心存蓋棺
事異悠三穹壤藐二公絃公非無往死不離城曰我重臣無所
逃死生而被執爲國之耻亭名止水左手攜孫白刃紛紜哭入

九泉人言全歸願得死所死而若此尚庶無負使公守土使公
柄朝堂一守節魂不待招公毋弃我一公慕子魂如可招於我
歸只

祭林拙齋文

呂伯恭

昔我伯父西垣公躬受中原文獻之傳載而之南裝回顧瞻未
得所付踰嶺入閩而先生與二李伯仲實來一見意合遂定師
生之分於是高洛閩輔諸儒之源流靡不講慶曆元祐羣叟之
本未靡不咨以廣大爲心而陋專門之曖昧以踐履爲實而拙
繁文之枝葉致嚴乎辭受出處而欲其明白無玷致祭乎邪正
是非而欲其毫髮不差昕夕函文聞無不信二無不行前望聖
賢大路九軌自詭以必可至三歲一詔士子莫重焉先生方上
名於春官慨然惜會合之難而緒業之未竟也亟改轅解鞅而
輟行其視內外輕重之分可謂審矣里居之良若方若陸旁郡
之士若胡若刘更唱迭和於寂寞之濱藪積停蓄固未捨所爲

爲人意也未幾亮死四出而不可遏州黨誰擇居東面之帝踵
門請起至再至三不得已而臨之長宗之士知鄉大多知尊前
輩知宗正論則皆先生與一季公之力焉嗚呼西垣公說不及
公道之開而一季亦皆以布衣死獨先生甫入東觀若將有爲
而病輒隨之中原諸老之規模迄不得再白於世其用捨必有
所繫矣嗚呼心迹之判固非達者之論區區專信耳目而量君
子之心則亦有大謬不然者先生所遇多忤少合意雖可尋
而事不大見中雖無愧而外不及知悠斯世識此心者幾何
人哉嗚呼先生之卧家左支廢右支緩手不能指授口不能劇
談若無與乎世道之升降抑不知百圍之木顛童立祐猶足爲
立樊之鎮一旦仆地則意象衰落無復故國之遺矣嗚呼痛哉
其未冠綴弟子之未行期待之厚獨出於千百人之石顛謝
安所取此實惟我西垣公之汝施及其後世培植澍被閔焉
如農夫之望歲也齒髮日衰業弗加脩愚不自惜大懼先生之

功力爲虛施每顯然歎傷然也聞先生之喪念以倅侑奠而
思慮不專修置寐寤矣筆受下而復扼也既半歲矣而所言乃止
於是蓋至善難名至痛無文而迄不能成章也先生之存音問
雖闊踈幸首南國猶有虛焉今遽撤其所畏幾何而不爲小人
之歸也惟當與二三子尊所聞行所知便先生未伸之志猶有
考也尚享

祭張敬夫文

朱元晦

嗚呼自孔孟之云遠聖學絕而莫繼得周翁與程子道乃抗而
不墜然微言之輟響曾未及乎百歲士各私其所聞已不勝其
乖異嗟惟我之與兄摺志同而心契或面講而未窮又書傳而
不置蓋有我之所是而兄以爲非亦有兄之所然而我之所議
又有始所共向而終悟其偏亦有蚤所同擠而晚得其味蓋綴
紛往返者幾十餘年未乃同歸而一致由是上而天道之微遠
而聖言之秘近則進脩之方大則行藏之義以兄之明固已洞

昭而無遺若我之愚亦幸竊窺其二然兌喬木之故家而我
猶茅之賤士兄高明而宏博我猶袂而迂滯故我常謂兄宜以
是而行之當時兄亦謂我蓋以是而傳之來裔蓋雖隱隱之或
殊實則交須而共濟不惟相知之甚密抑亦自靖而無愧嗚呼
孰謂乃使兄終在外以違其心予亦見廢於斯而所願將不遂
也政使得間以就其書是亦任左肱而失右臂也傷哉吾道之
窮予復何心于此出也惟修身補過以畢餘年庶有以見兄于
地也聞兄之葬而不得臨獨南望長號以寄此酹也惟兄憐而
鑒之尚陰有以輔予之志也

祭呂伯恭文

朱元晦

嗚呼哀哉天降割于斯文何其酷邪往歲已奪吾敬夫今者伯
恭胡為又至於不淑邪道孝將誰使之振君德將誰使之復後
生將誰使之誨斯民將誰使之福邪經說將誰使之繼事記將
誰使之續邪苦我之愚則病將孰為之箴而過將孰為之督邪

然則伯恭之亡曷爲而不使我失聲而驚呼號天而慟哭邪嗚呼伯恭有著身龜龜而處之若愚有河漢之辨而守之若訪曾
有雲夢之富而不自多詞有黼黻之華而不易其出此固今人之
之所難而未足以議兄之彷彿也若乃孝友絕人而勉勵如弗
及恬淡寡慾而持守不少儻盡言以納忠而羞爲許秉義以飭
躬而恥爲介則若古之君子尚或難之而吾伯恭猶汲然而未
嘗以自大也蓋其德宇寬洪識量闊廓既海納而川停豈澄清
而撓濁矧涵濡於先訓紹文獻於厥家又隆師而親友極探討
之幽遐所以稟之既厚而養之深取之既博而成之粹宜所立
之甚高亦無求而不備故其講道於家則時雨之化進位于朝
則鴻羽之儀造辟陳謨則宣公獨御之對承詔奏篇則右尹祈
昭之詩上方虛心而听納衆亦注目其敷施何曹時之不遂遽
蔡疾而言歸旣一臥以三年尚左圖而右書間逍遙以曳杖恍
沂上之風雩衆咸喜其有譽異矣據其素蘊不則傳道以著書

抑亦後來之程準何此望之難必奄一久而長終增有邦之珍
卒極言黨之哀恫嗚呼哀哉我實无似兄辱與游講歷深劫情
義綢繆與前日之枉書尚察然其手筆始言沈痾之難除猶幸
死期之未即中語簡編之次第卒誇草樹之深幽謂昔騰廢而
有約蓋今命駕以來遊欣此旨之可懷慄計車而偕至考日月
之幾何不且莫之三四嗚呼伯恭而遽死邪吾道之衰乃止此
邪既爲位以泄哀復緘辭以寓莫異嗣歲之有間尚前言之可
踐嗚呼尚享

祭陸教授文

朱元晦

孝匪私說惟道是求苟誠心而擇善雖異序以同流如我與兄
少不並遊蓋一生而再見遂傾倒以綢繆念昔鵝湖之下實云
識面之初兄命駕而鼎來載季氏而與俱出新篇以示我意懇
懇而無餘厭世季之支離新易簡之規模顧予文之淺陋中獨
疑而未安始聽鑿於曾次卒紛激於談端徐度兄之不可遽以

辨屈又知兄必將退而深觀遂逡巡而善返悵猶豫而盤旋別
來幾時兄以蒼來審前說之未定曰子言之可懷逮予辭官之
未獲停驂道左之僧齋兄乃羸車而來教柅與極論而無猜自是
以還道合志同何風流而云散乃一西而一東蓋曠歲以素居
僅尺書之兩通期杖屨之肯顧或慰蒲乎予衷爲者乃聞兄病
在牀亟函書而問訊并裹藥而攜將曾往使之未返何來音之
不祥驚失声而墮涕沾予袂以淋浪嗚呼哀哉今茲之歲非龍
非蛇何獨賢人之不淑屢囚吾黨之浮嗟惟兄德之尤粹儼中
正之無邪義降心以從善豈有毫驕吝之私邪嗚呼哀哉兄則
已矣此心實存炯然參倚可竟情昏孰泄于衷一慟寢門絨絳
千里侑此一樽嗚呼尚享

祭魏國錄文

朱元晦

人生而材乃克自貴材者亦多鮮或有士寄茲八履才英氣蒙
凌空輝遠志節堅高爰自弱齡志華秀發爭賢友仁其間四達

迨其中歲攷古驗今訂以經術益宏益深聞人之善其獲於已
推之揚之情曷能已視人之阨若已擠之是振是拔力無有遺
婆發立林歲月遠莫聘幣鼎來片言感悟謂當用世遂突礮施
誰謂落落乃適其歸歸來考槃半澗于陸悽悽之忠永矢弗告
謂當暫惕尋復詔追誰謂一疾而訖於斯嗚呼哀哉念昔交情
兄膠我漆更攻互磨兄玉我石世途艱險孟門太行兄行我憂
兄歸我藏與兄同心誰則如我奚必祭占君可亦可兄實高明
卒監此心願託警易琅琅其音詞佛詆巫考礼正俗奉承靡他
葬又得卜長坂之阿兄所樂游勃云茲今有墳其立謂我宜銘
亦兄所寄行高文卑祗以爲累日月有時緝綿束芻長慟寢門
愧恨何如恭惟神靈尚記疇昔感此哀誠來飲來食萎萋在門
往寧厥宮沒而不朽君子之終

祭劉參議文

同前

惟公文足以取高科才足以躋顯仕踐揚中外三十餘年且蜀

之鄉自尉而令康新之郡由貳而專白首斑衣內既歡於榮養
朱幡阜蓋外益謹於承宣旋登王歲出參幕府人謂低徊而不
偶公獨委蛇而泰然方將告休天朝言歸故里棲神乎香火之
社玩意乎詩史之編何一病之不瘳遽百年之難料俟輻車之
既駕倏丹旆以孤翩行路酸辛知名悼恨而沉邦人與邑子孰
不齋咨而涕漣嗚呼哀哉其以孤童早依仁里無所肖似獨荷
知憐登高寫懷每激紛而近後採囊搜秘或拏攬以爭先以至
發廩勸分築倉移粟既同憂而共喜如台病以各痊惟此好之
難忘感餘生而自悼幸空齋而一慟聊求訣乎終天嗚呼哀哉

祭李三谿文

同前

我觀大造賦予萬形其所甚靳惟氣之清獨於三谿青異其稟
淵澄岳靜玉瑩霜凜平生有手不揖俗人亦有空瓢不惱此隄
孤標偉詎四海鄰舌巖巖譏誣後輩頽頽句中紅壑珍裏乾坤
三松之子誠齋之孫青萍一試地軸撼折鐵笛弄月樹碎厝

枚數清事有獨無對我評翁清乃在此外道遠俗薄表潔中汚
豈不能言行弗與俱志隨氣遷心逐境渝不竟妍好化爲蘧蔭
誰能如公冰蘖自守收科紀三歷任考九名雖金閨身只村叟
問其田園荒畦斷畝問其家具老盆塵缶病臂無藥枯腸不酒
酸寒蕭疎不改其舊改其舊者惟白其首從來詩聲摩戛宇宙
小技區區縱末非壽獨持一貧照耀前後清哉卓乎山岳不朽
惜昔定交折溪之榭朝游者以夜語晨催我豈能詩公教之裁
我豈能字公教之開翁雖我友我敢翁儕云胡比年天不憐才
能幾何人雪折風摧鬼覆三蒙人婦我哀奪至此公星黯以回
大招小招公來不來

祭胡古潭

同前

嗚呼可驚可游而規賢矩折能飽能醴而觴露豆雪孰憫之其
屬予羗古雅以自潔心幽詣而深研志高引而橫絕詩軋唐而
典遂詞掖騷而激越方紆餘芳歲美猶嶠萃芳嶽嶸忽入理方

泓然響冰壺兮涼月嗚呼悲夫國小地狹人患無資光理彩鏗
又患無時孰如君兮出處具宜處也有試出也有施內直外方
敬義夾持以之使民弗雍之規酌以下泉療腹中飢以之洗貧
隱之之題伐木求友傳雲存思以庇天下少陵之詩奈蒼之
無情乃緩予而奪亟章正芳而鳩鳴日未斜而鵬入叫臺城兮
雲悲撫鍾阜兮煙濕嗟先生兮何爲異哉何兮門及書不多兮
情親面非數兮神招張輦流兮畧盡耿彷徨兮獨立雖橫檣括
忍發殘什臨風寄酌桂兔爲泣

祭蕭大山

黎立武

鼎山昂屹秀水湧瀟妙凝神氣簡生英物清姿鴻宰奇彩豹蔚
婉皇規魁衍孔刮佛雲煙千紙風雨一筆秦銘楚此韓碑柳碣
梁噫之五枚發之七金蕊琳琅華虫黼黻神幻鬼化天軋此出
觀者迷眼讀者翕舌隸指龍跣行草蚓結日年寡二四海孫一
盤古蓋壤大声摩拚百鬼交荒微宮涕洟東觀之遊西雍之列

仙源纂圖曰臺抱絕橋蝶名唐蕉鹿夢絕宜演綸言宜補衣闕
甫命祝釐旋頌召節集鵬識凶騎麟被髮遠言耳懿重傷腸裂
昔也捧袂從遊書室今也結綬聯班禁闥非莫薄芻哀詞泣立
英英靈永永永訣

祭潘子臯文

名揚利區辭標勢的程奔毫馳百年一日義路仁宅道源性淵
有能用力一日百年之子之才之識之操萬里首途遽以病告
意長數短獲數殖費寸心惇然持此以終有親未報有弟未立
有養未充有志未畢合是數者屬之吾徒矢口而言言發不渝
里門相望伯仲叔季青以撫存亦孔之易道孝之責喬嶽高丘
母或不勝重遣子羞嗚呼哀哉



祭韓魏公文 謚忠獻

司馬君實

惟公仁義忠厚得之自然所施所獲命世之賢冠登甲科聲名
四傳照輝冊府表襟英躋徊翔諫署風節孤寡擢升法從壯觀

近班賊吳叛命西領中樞經畫應禦勤勞累年戎醜來庭延登
樞府道德之俊同時入輔窒姦塞邪剷弊除蠹謗言陰搖分符
以去中山太鹵太行東西連開戎府彈壓堯夷天声萬里雷動
神馳帝思勤舊尤遷顧堂帷幄論道海宇樂康仁朝晚年少陽
虛位天下大本未有所繫公常深念圖建冢嗣引古盡言山岳
其意忘身忘家無所顧避聖心感悟遂定大計合天符人英朝
主器夷夏歡呼声震天地千戴萬險公共草易六龍飛天帖無
一事俄膺顧命今上嗣政求厚復士力辭大柄得殿本邦均作
遂性未離闕庭西陲微擾天子詔公改師成鎬義不辭難受命
戒道爭寧求還復守鄉閭至始閏月又迁魏都時議者建青苗
之令出錢取息始惠終病抗疏論刻辭嚴義止天子動容賢路
交慶四見炎涼復臨安陽燦燦錦衣煌煌練裳願上印綬十拜
封章宸眷深厚未願前首願漸川莫伸素志嗚呼哀哉肖公
之薨城邑田里老壯童幼咨嗟涕泗非德感人孰能如是位居

將相殆將二紀萬鍾之祿隨得隨施姻親僭客賴公以濟善棺
之日所餘無幾清白之風照耀來世某之推愚少自偷比久矣
賓從紬顧特異朝教暮誨意均子弟粗有成立皆公之賜撫膺
長號肝鬲將毀莫以叙哀痛無窮已英靈不昧敢奠飲此

祭司馬溫公文左僕射贈太師

蘇子瞻

嗚呼百世一人千載一時惟時與人鮮偶常竒公事仁宗百未
一施獨發大議唯天我知厚陵之初先事而規帝欲得民一
無私母子之間莫如孝慈人所難言我則易之神宗知公敬如
著龜重談仁義輔以書詩枉尺直尋願公少卑公曰天子舜禹
之姿我若言利非天誰欺退居于洛四海是儀化及豚魚名聞
乳兒二聖見公曰予得師付以衡石惟公所爲公亦何爲視民
所宜有羨則勸有疾則醫問疾所生師老其疲和戎上策決用
無疑此計一之太平可基譬如農夫旣闢既蓄投種耒粒爲獲
而效賓客滿門公以疾辭不見十日入哭其帷天爲雨泣路人

垂淚書像于家飲食必祠劓我衆僚左右疇咨共載一舟喪具
緝維終天之訣寧復來思歌此奠章以侑一卮

祭杜祁公文

歐陽永叔

士之進顯於榮祿者莫不欲安享於豐腴公爲輔弼飲食起居
如陋巷之士環堵之儒他人不堪公處愉愉士之退老而歸休
者所以私自放於閑適公居于家心在于國思慮精深言辭感
激或達旦不寐或憂形于色如在朝廷而有官責嗚呼進不知
富貴之爲樂退不忘天下以爲心故行於已者老益篤而信於
人者父愈深人之愛公寧有厭已壽胡不多八十而止自公之
喪道路嗟咨况於愚鄙父辱公知繫官在朝心往神馳送不臨
穴哭不望帷街詞寫恨有涕漣而

祭歐陽文忠公文

蘇東坡

嗚呼哀哉公之生世六十有六年民有父母國有著龜斯文有
傳學者有師君子有所恃而不忍小有所畏而不爲譬言如大

川喬岳雖不可見其運動而功利之及於物者蓋不可以數計而周知今公之歿也赤子無所仰庇而朝廷無所稽疑斯文化於異端孝者至於用夷君子無與爲善而小人沛然自以爲得時譬如深山大澤龍亡而虎逝則交怪百出舞魍魎而號狐狸昔公之未用也天下以爲病而其旣用也則又以爲遲及其釋位而去也莫不異其復用至於請老而歸也莫不悵然失望而猶庶幾於萬一者幸公之未衰孰謂公無復有意於斯人也奄一去而莫予追惟世之源濁潔身而逝乎將民之無祿而天莫之遺昔我先君懷宝遁世非公則莫能致而不肖無狀負祿出入受教門下者丁有六年於斯聞公之喪義當匍匐往乎而懷祿不去愧古人以忸怩緘辭千里以寓一哀而已蓋上以爲天下慟而下以哭吾私

又

王介甫

夫事有人力之可致猶不可期況乎天理之冥漠又安可得而

推惟公生有聞於當時死有傳於後世苟能如此足矣而亦又何悲如公器質之深厚智識之高遠而輔以孝術之精微故形於文章見於議論豪健俊偉怪巧瑰竒其積於中者浩如江河之停雲其被於外者爛如日星之光輝其清音幽韻淒如飄風急雨之驟至其雄辭宏辯快如輕車駿馬之奔馳世之孝者無問乎識與不識而讀其文則其人可知嗚呼自公仕宦四十年上下往返感世路之崎嶇雖逆道困躓竄斥流離而終不可掩者以其公議之是非既壓復起遂顯于世果敢之氣剛正之節至晚而不衰方仁宗皇帝臨朝之末年顧念後事謂如公者可寄以社稷之安危及夫發謀決策從容指顧立定大計謂千載而一時功名成就不居而去其出處進退又庶乎英魂靈氣不隨異物腐散而長在乎箕山之側与潁水之湄然天下之無賢不肖且猶爲涕泣而歔歔而况朝士大夫平昔游從又予心之所嚮慕而瞻依嗚呼盛衰興廢之理自古如此而臨風想望不能

忘情者念公之不可復見而吾誰與歸

祭范蜀公文

蘇子瞻

仁宗在位四十二年陛下而種之有得皆賢既歷三世來為君臣
今如晨星存者我孰如我公碩大光明導日而升燦燁長庚
死生契闊公獨壽考天實贊之以殿諸老二聖嗣位仁義是施
公昔所言畧行無遺維樂未和公寢不寧樂成而薨公往則瞑
凡百君子願公無極胡不萬年以重王國責難之忠爰奠助之
嗟我後來誰復似之吾先君子秉德不耀與公弟足一日之少
窮達不齊我則無聞先友盡矣我已白髮聞公之喪方食哽噎
堂堂我公豈其云亡望公凜然猶舉我觴

祭張魏公文

王龜齡

惟公學造明誠才全文武忠孝根於天性節操貫乎歲寒社稷
之功最高親常捧日君公之儲未復誓不共天二十年見斥權
臣五百載重逢聖主夷狄服汾陽威德兒童知司馬姓名意者

天必相之嗟乎命何止此方渡江而擊揖遽樂聖以嚙孟宣室
興思蒼生望起雖曰閉門絕粒不忘憂國愛君中山功未及成
讒謗之書盈篋武侯死有遺恨英雄之淚滿襟一老不遺百身
莫贖其監此假守警聞言音忍觀絕筆之銘愧阻臨棺之奠嗟
吾道之窮已甚非夫人之慟而誰

祭劉忠肅公文

朱元晦

維年月日從表弟具位朱某敢以清酌庶羞奠于近故建康留
守觀文殿亭之彭城劉公之靈嗚呼哀哉天胡付公以瑰奇俊
偉之才而不并假以耆耄耄期之壽胡位公以樞機藩屏之重
而不遂畀以弼綸輔贊之權使公名若極富貴而無欲實則抱
憂歎以終天此中外志義之士所以闕公之薨皆失声而相吊
或雖未識公面而亦不自知其涕泗之流漣者也嗚呼哀哉惟
公生有異質早摧魏科退而自保弗競弗諱屈首受書典學手
家內充其美外振厥華既登王朝遂掌綸綍獻納網繆計謨密

勿忤權嚮要無所回屈帝差弗渝試以郡絃受鉞于南勦頑踣
兇婉奕赤子撫摩哀憫禮賢勸學導和致豐報政三年鄒魯其
風帝曰來歸本我兵柄曾不幾時咨以大政公奮其庸帝虛以
聽張磔宏綱塞絕備令道自身危突不暇黜出臨兩鎮威煇恩
漸適嬉于堂遽哭于堂恩詔起之有疎其瞻公以弗承帝悉其
孝曰究汝哀來觀來教公言益切公守不撓再撫于潭亦顯其
效乃汗建鄴民病以餓公不寢食坐起嗟咨方略旣張惠術四
施曾是流殍化為充肥帝嘉乃勳加勞進律倚毗方深遽告以
疾忠無隱情諫有遺筆帝驚罷朝悼此良弼嗚呼哀哉我以孤
童來託公家公不鄙我勸導有加公悉交寫鵠我性塵囂豈無異
同卒莫疵瑕自公進為論議慷慨實始期公高明光大公之知
我亦晚而最迨其永歸手札告戒孺德撫孤古昔所難并以誘
我我其敢安把書長號涕隕闌干還坐以思慨其永歎念昔帝
師為國死義亞傳承之夷險一致屏山雖隱亦豈忘世公襲其

傳克廣不替衆咸謂公當訖外庸入贊皇極下聲庶工登賢屏
茲復境我內繼祖考畢其餘忠天胡難謀而止於此群邪交
慶衆正心死矧予之哀竊究終始願言思公曷其有已嗚呼哀
哉昔誦離騷舉公觴兮今拜以哭醉公堂兮私情公議兩恒傷
兮神靈不昧尚克鑒予之衷賜兮嗚呼哀哉尚饗

祭虞雍公文

具位某謹以清酌之奠西望再拜致祭于故宣撫左丞相先生
之靈嗚呼擴彼元顏擴音擴如獅子注擴音擴壞音制大惡氣無長江不日
投鞭騎也既退權也亦潰孰宣王靈式遏狂悖公以書生雍容
請行澹乎無蒼安乎無驚矢而石而公則身之有殞我躬無傷
我師三軍一人萬人一心彼自送死無勞我擒長蛇噬矣公其
瘡矣有吳地矣公其起矣宗祏殆矣公其變矣黔黎泯矣公其
拯矣其後十年乃相吾君進退速遲盡詢國人曰公來四方
庶平公曰吾歸西鄙匪輕俾民知只俾兵知耕籍清之瀆前無

孔明大功垂成大星夜隕我師相泣彼虜交賀公宅于揆人或
公怒今皆公思公豈復有維彼之人於公曷畏曷存而忌曷亡
而喜維此之人於公曷疑曷生而戮曷沒而思在昔聖賢疇免
乎是苟無天日我心則愧維公平生憂國如醒齋志下泉自其
能瞑昔公在位如富范韓古風蕭蕭公欲追還率籲衆後載飛
載集而我何爲亦真百執我思其人玉立長身凜焉目中御風
駕雲思之弥遠西望岷峨有淚如綫嗚呼哀哉尚享

祭趙信奄文

問谷

惟公名瞻垂夷勳著宇宙德爲天下之老福備極中之壽於祈常
銘而不盡竹帛垂乎不朽拜遺像之堂堂何片辭之能究嗚呼
回輶樞極控提邊疆勛勳爲新化弱爲強力量如是而城都惟
八百本之彖名馳在控如意在手京觀築山金印繫斗英傑如
是而午橋別墅方酣暢乎詩酒五荒大國三建孤旂酋虜仰視
怖不敢前威重如是而兒童走空相爾汝於獨樂之園豈非踐

真而後實載厚而任重昔人所謂五年爲之而成者乃公一生
之受用上以是而結累聖之知下以是而字人荒萬里之衆佩
五二字之符于以貫出處而根靜動嗚呼過江以來百四十春
黃耳金鉸凡幾經綸若夫却入手之堂印屏當御之靈因清風
大節凜乎蒼夏則前惟菊坡翁後惟信國老外是未見其人也
是宜先帝抵之是詔是訪嗣聖眷之是崇是獎雖非端委於廟
堂是亦山中之宰相遠其思古麓之霜鍾憶洞庭之秋榜乞身
告歸留與莫能強乃命家督建卽而養是又歲晏之至祭優游里
第直與菊坡翁而兩者也嗚呼異哉了了去來七十二年康強
傑魁潭江起柁采石街盃翻覆手間仙乎莫回嗚呼異哉公繼
謚屬焉江靜夜騰修霧肅人見沙頭睽閃閃如燭厥声砰然
公亦瞑目嗚呼異哉公侍先皇雲龍一堂良月廿六穆陵富祥
是日招公而遣平陽弓劔旣遠著皇祭繼亡其等守官公卿密比
夏屋開公錦歸如陳山嬾忽看愁雲飛墮湘曲不見袞衣乃見

輶軸輶音養舉觴一勸天下無福

祭黃簡肅文

朱元晦

大道既隱淳風日弊氣鍾於人鮮克全粹習而益遠輕肆苟偷
言如可重考行則差猗劫我公受材特異不假修為默與道契
端莊靜一終日欽之不動而敬神保是臨賓于王庭昌言大對
庸第順隋久斥于外晚歸獻納正笏垂紳時而後發一言萬鈞
閭二省曹仇之禁厲摧倖顧之心摧氣奪孝怒擲悖采反及征
引經抗疏羅宴請行帝嘉其忠衆服其勇咸惜公行係國輕重
公嘗老矣效告歸祖帳東門觀者歎歎公在故鄉恂之翼之
士夫高仰遠近承式帝曰懷哉舊季之賢乃詢乃訪加璧曰先
公拜曰都此帝之德盡言不隱是乃臣賊公年雖高不杖不扶
謂當復起馴馬安車一病踰年竟以喪告疏有遺忠當宁震悼
嗚呼哀哉某以晚季獲游公門望公容貌鄙寬薄敦惟其躁輕
弗克持父云不鄙焉撫接加厚去歲之春入拜公堂公時已病

志氣則端正冠肅容不異平日端拱立談教告諄悉豈謂此別
遂隔死生聞訃欲往竹符是紮寫哀陳詞清綿走酌想像德容
恍若瞻對顧惟媿情不克其躬氣言疇昔以此負公

祭真西山文

劉後村

嗚呼先生屬疾聞齋齋咨台上對近臣玉色不怡丞相移書早里
迎醫置不至閭巷婦女童兒皆曰執父必介壽祺云何一夕去而
騎箕在昔范公萬古高躋晚登政府不至冢司李者至今致恨
於斯然其謨畫已略設施先生視彼則尤可悲平生修方未試
刀圭謂天無意斯文在茲謂天有意老不遺太平之望竟復
何時禮樂之興百年待誰嗚呼昔者之來大帶深衣都人聚觀
公歸何時今者之遠舟旒素惟都人相弔公去安之矧二三子
父從吾師要經執紼於禮則宜屬與簡書僅奉江湄覆此一觴
慟哭以辭嗚呼哀哉



祭謝疊山文

李仲卓

嗚呼疊山峭翠嶺岨直不可挽邪不可干洋洋晁董文亞子孟韓
發策危切指斥權姦運去物改忠憤裂肝十年甫播聞嶠間巽
翁之訛之疾我謂頑執拘此在摧辱萬端絕粒自殞儉夫厚顏
黃河爲之鳴咽秦華爲之悲酸菟黯兮莫返旒翩兮芳來還
嗚呼哀哉文山之沒也千載心爲之斂尸而撫棺疊山予莫逆
也予不能行千載心之所難相去遼隔惟呼冤而永嘆予將北
游誓當收兄骨於燕雲之間痛葬首陽狀公之行乞銘于當世
大手筆俾得與夷齊同傳庶千載之下可考者班之茲遣兒稚
一觴代奠西風老淚若不堪潛嗚呼哀哉尚享


又

周岳

自商夷齊漢龔勝至先生不食異姓之粟而死者僅四人夫有
宇宙以來君臣大義亘萬古而常存然畏死而貪祿者迂就附
會自謂枉道而信身豈知死重於生禮重於食出於人心羞惡
之真況不義之富貴特太空之浮雲惟忠臣義士一點烈之

氣與日月而常新人但知先生文章之渾浩李問之深醇李
揚雄非無李問班蔡非無文章既大節之一失又何他美之足
云當天地大變之始法已斃而綱淪先生奮不顧身欲扶人道
之倫力雖不能救世而心則常在乎君親以孔明子房自期方
奈時無可託者以遂志之伸尋深山以隱方方嘯詠乎落花啼
鳥之春彼何爲者謂麒麟之可羈使同犬羊之馴駕赤虬以比
征方眇六合於一塵厭下土之腥方呼吸月露以盪胸中之輪
困絕粒不食方寧舍生以成仁一死得其所方將以愧天下後
世二心之臣夷齊蘧勝不得專美於前方藹百世之遺芬函骨
歸自燕臺方旅寓吳溪之濱凜然如生方其在天之神識與不
識皆爲流涕而况其受罔極之恩第貧弱才薄安知如房杜王
魏輩真時無資於河汾之門隻雞斗酒致莫方一以哭宗社一
以哭斯文尚饗

事文類聚翰墨全書戊集卷之四








浙江圖書館善本

甲登記號：015682

一九 年 月 日







Inches
Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color